

AMEL MEKIĆ

ZASTUPNIK U SKUPŠTINI KANTONA SARAJEVO

BOSNA I HERCEGOVINA

KANTON SARAJEVO

SKUPŠTINA KANTONA

n/r predsjedavajuće, gospođe Ane Babić

Predmet: Zastupničko pitanje

U ime profesora stručno-teorijskih predmeta Željezničkog školskog centra Sarajevo tražim od Ministarstva za obrazovanje, nauku i mlade Kantona Sarajevo, odnosno od Vlade Kantona Sarajevo, da precizno odgovore na pitanje kada će konačno prestati njihovo sistematsko **diskriminiranje profesora stručno-teorijskih predmeta u školama sa po jednim razredom različitih obrazovnih profila.**

U odgovoru mi ne treba nikakvo njihovo negiranje diskriminacije kako su to do sada činili. Postojanje diskriminacije je nedvosmisleno utvrdila Institucija ombudsmena/ombudsmana za ljudska prava Bosne i Hercegovine. Zato smatram da se Ministarstvo za obrazovanje ne može postaviti iznad Institucije ombudsmena. U suprotnom smatram da **ne uvažava Zakon o zabrani diskriminacije, da ne uvažava međunarodne standarde koji se odnose na ljudska prava i osnovne slobode, a koji su sastavni dio Ustava i koji imaju prioritet nad ostalim zakonima.**

Da objasnim. Pedagoške standarde i normative za srednje obrazovanje donosi Vlada Kantona Sarajevo. Odredbe Pedagoških standarda, koje se odnose na normu časova, pripremu za obrazovno-odgojni rad i ostale poslove nastavnika u okviru radne sedmice, dovode profesore stručno-teorijskih predmeta Željezničkog školskog centra Sarajevo u **diskriminirajuću poziciju.**

To je nedvosmisleno utvrdila Institucija ombudsmena, te je uputila **Preporuku** Ministarstvu za obrazovanje, citiram:

“ Ombudsmeni Bosne i Hercegovine, u skladu sa članom 32. Zakona o ombudsmenu za ljudska prava BiH, pozivaju:
Ministarstvo za obrazovanje, nauku i mlade Kantona Sarajevo da pomno razmotre ovu konkretnu situaciju, te poduzmu mjere u svrhu uspostavljanja ravnopravnog statusa nastavnika stručno-teorijske nastave koji predaju tri i više predmeta sa nastavnicima koji predaju jedan ili dva nastavna predmeta u pogledu prava iz radnog odnosa, a u **kontekstu izmjena Pedagoških standarda i normativa za srednje obrazovanje.**”

Profesori su diskriminirani zbog činjenice da zbog ostvarenja norme, utvrđene važećim Pedagoškim standardima, realiziraju od pet do deset različitih nastavnih programa, te neki sedmično realiziraju i preko 20 različitih nastavnih jedinica.

Preporuka Institucije ombudsmena je dostavljena Ministarstvu obrazovanja krajem 2012. godine, ali ni do danas nije provedena.

Tražim da lično ministar za obrazovanje, nauku i mlade Kantona Sarajevo, gospodin Elvir Kazazović, na sjednici Skupštine Kantona Sarajevo, odgovori kada će Ministarstvo za obrazovanje dosljedno (u skladu sa zapažanjima Institucije ombudsmena) primijeniti Preporuku Institucije ombudsmena i time prekinuti sistematsko diskriminiranje profesora stručno-teorijskih predmeta. Jasno, tražim i pismeni odgovor.

Da bi se primijenila Preporuka Institucije ombudsmena, Ministarstvo za obrazovanje treba predložiti, a Vlada Kantona Sarajevo **usvojiti izmjene Pedagoških standarda**. Zbog toga Ministarstvo za obrazovanje treba formirati radnu grupu za izradu prijedloga izmjena Pedagoških standarda. U cilju dosljedne provedbe Preporuke Institucije ombudsmena smatram da se u tu radnu grupu treba uključiti i predstavnik profesora.

S poštovanjem.

Sarajevo, 06.09, 2018. god.

ZASTUPNIK

(Amel Mekić)

Dostavljeno:

1. Naslovu,
2. a/a.